

FELICITATEM!

Quomodo Plinius Secundus ad Nervam Trajanum, Principem ex S. P. Q. R. impositione optimum, in publica ipsius prædicatione dixit: *Super omnia est, Princeps, quod sub te liberos tollere libeat, & expedit.* Sic non minus Tibi, **EBERHARDE**, Dux Auguste, & Patriæ Pater Optime, dici potest; Nec enim dissimili in subditos Tuos affectu hactenus fuisti, nec voluntate minus propitia. Testor Civitates Tuas, quæ superiori bello ex populosis ad rarissima redactæ, novis & densissimis incrementis redintegrantur. Scilicet Viri gignendis liberis operam dederunt, ac feminas magna fœcunditatis lubido incessit, quia viderant, cui Principi cives, cuique Domino subditos aut ministros essent, illæ parituræ, isti genituri. Nam Tua Virtute confectum est, quod auream Pacem, ac idonea vitæ tolerandæ subsidia, recuperarunt; quod tanquam ex cineribus surrexerunt Scholæ, in quibus Juventutem idonea fide & obsequiis in DEUM ac TE, Illius in his terris Vicarium, imbuerent, sicque TIBI Imperium, sibi familiam cum certissimo senectutis solatio propagarent. Etiam, ex quo regnas, de subditis ministros, si qui idonei fuerunt, Solio Tuo circumposuisti, indeque publicorum Provinciæ Tuæ munerum, tam civilium, quam sacrorum, Antistites constituisti, ac etiam nunc habes: magno Conjugibus invitamento, ad studium prolis, ac spem posteritatis excitandam. Ut taceam cætera tam nativi amoris exempla, quæ Rempubl. & Ecclesiam Tuam circummeunti occurrunt plurima, saltem, ut domum meam ornaveris, prædicabo. Tanta TIBI, Princeps Benignissime, integritatis nostræ fiducia fuit, ut Parentem Aulicis sacris & Consistorio, atque etiam Præposituræ Denckendorffensi; ut Patruos Abbatia præcipuæ, Consiliis Provincialibus, Regiminis, & Justitiæ, multisque Ecclesiis, partim proficeres, partim admoveres;

A 3

Cum